



Na osnovu člana 23., 56. i 57. Statuta općine Ilijaš – prečišćeni tekst ("Službene novine Kantona Sarajevo", broj: 20/09), člana 1. i 2. Odluke o stipendiranju i nagrađivanju izuzetno nadarenih učenika i studenata ("Službene novine Kantona Sarajevo", broj: 13/10), člana 1., 2. i 6. Pravilnika o stipendiranju i nagrađivanju izuzetno nadarenih učenika i studenata - prečišćeni tekst ("Službene novine Kantona Sarajevo", broj: 2/16) i Plana stipendiranja izuzetno nadarenih učenika u srednjem i studenata u visokoškolskom obrazovanju u školskoj/akademske 2018/2019.godini ("Službene novine Kantona Sarajevo", broj: 42/18), Općinski načelnik raspisuje:

KONKURS
za stipendiranje izuzetno nadarenih učenika i studenata za školsku/akademske
2018/2019.godinu

Pravo učešća na Konkursu imaju redovni učenici srednjih škola i redovni studenti visokoškolskih ustanova, koji imaju prebivalište na području općine Ilijaš duže od tri godine. Prebivalište kraće od tri godine mogu imati učenici i studenti, ukoliko su oni i njihovi roditelji imali prebivalište na području općine Ilijaš do 06. aprila 1992.godine, kao i oni podnosioci zahtjeva koji u vrijeme podnošenja zahtjeva imaju prebivalište i vlastiti stambeni objekat na području općine Ilijaš.

Pravo učešća na konkursu za stipendiranje imaju redovni učenici i studenti koji nisu obnavljali godinu, a koji su u predhodnoj školskoj godini imali uspjeh u školi odnosno fakultetu i to:

- učenici srednjih škola sa najmanjom prosječnom ocjenom 4,80;
- redovni studenti visokoškolskih ustanova sa prosjekom ocjena od najmanje 8,0 za fakultete iz grupacije društvenih nauka (Ekonomski fakultet; Fakultet za kriminalistiku, kriminologiju i sigurnosne studije; Fakultet političkih nauka; Pravni fakultet; Fakultet za javnu upravu), grupacije humanističkih nauka (Fakultet sporta i tjelesnog odgoja; Filozofski fakultet; Pedagoški fakultet; Fakultet islamskih nauka; Katolički bogoslovni fakultet), grupacije umjetnosti (Akademija likovnih umjetnosti; Akademija scenskih umjetnosti; Muzička akademija).

Prosjeck ocjena od najmanje 7,50 za studente fakulteta iz grupacije medicinskih nauka (Fakultet zdravstvenih nauka; Farmaceutski fakultet; Medicinski fakultet; Stomatološki fakultet; Veterinarski fakultet), grupacije tehničkih nauka (Arhitektonski fakultet; Elektrotehnički fakultet; Fakultet za saobraćaj i komunikacije; Građevinski fakultet; Mašinski fakultet), grupacije biotehničkih nauka (Poljoprivredno-prehrambeni fakultet; Šumarski fakultet) i grupacije prirodno-matematičkih nauka (Prirodno-matematički fakultet-odsjeci za matematiku, fiziku, biologiju, hemiju, geografiju).

Pravo učešća na konkursu za stipendiranje imaju i studenti koji nisu obnavljali godinu, a pohađaju fakultete Univerziteta u Sarajevu iz grupacije medicinskih nauka (Fakultet zdravstvenih nauka; Farmaceutski fakultet; Medicinski fakultet; Stomatološki fakultet; Veterinarski fakultet), grupacije tehničkih nauka (Arhitektonski fakultet; Elektrotehnički fakultet; Fakultet za saobraćaj i komunikacije; Građevinski fakultet; Mašinski fakultet) i grupacije biotehničkih nauka (Poljoprivredno-prehrambeni fakultet; Šumarski fakultet), bez obzira na ostvareni prosjeck ocjena iz prethodne akademske godine.

U školskoj 2018/2019.godini stipendirat će se:

- a) - 20 učenika I razreda,
 - 20 učenika II razreda,
 - 20 učenika III razreda,
 - 20 učenika IV razreda.
- b) - 30 studenata I godine,
 - 20 studenata II godine,
 - 20 studenata III godine,
 - 20 studenata IV godine,
 - 20 studenata V godine,
 - 2 studenta VI godine.

Ukoliko iz određenog razreda ili godine studije nema dovoljan broj kandidata koji ispunjavaju kriterije Pravilnika, stipendije će se dodijeljivati učeniku ili studentu sljedećeg višeg razreda ili godine studija.

Stipendije se dodjeljuju za tekuću školsku/akademsku godinu i isplaćivat će se za devet mjeseci. Visina mjesečne stipendije za učenike iznosi 50,00 KM, a za studente 100,00 KM.

Ukoliko izabrani kandidat dobije stipendiju od nekog drugog Fonda ili institucije, isti se eliminiše sa bodovne liste, odnosno sljedećem kandidatu sa bodovne liste dodjeljuje se stipendija.

Uz prijavu na konkurs neophodno je priložiti sljedeću dokumentaciju:

1. Uvjerenje o kretanju podnosioca molbe ili roditelja – staratelja ukoliko je podnosioc molbe maloljetan. Uvjerenje služi kao dokaz prebivališta na području općine Ilijaš (Izdaje Policijska Uprava Ilijaš);
2. Kućna lista (Izdaje se i ovjerava u Centru za pružanje usluga građanima-općina Ilijaš);
3. Izjava da podnosioc zahtjeva nije stipendista nekog drugog organa ili institucije (Izjava se izdaje i ovjerava u Centru za pružanje usluga građanima- općina Ilijaš);
4. Fotokopija Svjedočanstva prethodno završenog razreda za učenike, a Potvrda o prosjeku ocjena za prethodnu godinu studija i fotokopija svih popunjenih stranica indexa za studente. Za studente I godine II ciklusa studija uvjerenje/diploma o završenom I ciklusu uz dodatak diplomi. Studenti koji pohađaju prvu godinu studija fotokopija svjedočanstva iz IV razreda srednje škole;
5. Potvrda o upisu u narednu školsku godinu (Izdaje Sekretarijat škole ili Studentska služba fakulteta);
6. Potvrda da kandidat ne obnavlja godinu-upis i da se nalazi na redovnom studiju (Izdaje Studenstka služba fakulteta);
7. Potvrda o postignutim rezultatima na kantonalnim, federalnim i državnim takmičenjima u školskoj 2017/2018.godini;
8. Izjava o davanju saglasnosti za obradu i objavu ličnih podataka (Izdaje se i ovjerava u Centru za pružanje usluga građanima-općina Ilijaš).

Kao dokazi dostavljaju se ovjerene fotokopije originalnih traženih dokumenata. Dokumenti se neće vraćati podnosiocima molbe.

Konkurs je otvoren 15 dana od dana objave u dnevnim novinama i na web stranici Općine Ilijaš (www.ilijas.ba) odnosno do 30.11.2017. godine do 16:00 sati.

Molba/prijava se podnosi obavezno na propisanom obrascu (obrazac se može preuzeti u Centru za pružanje usluga građanima Općine Ilijaš ili na web stranici Općine Ilijaš) zajedno sa dokazima o ispunjavanju uslova Konkursa u zapečaćenoj koverti, predaju se lično na Protokol općine Ilijaš, ul. "126. Ilijaške brigade" br.6, sa naznakom za: "Konkursnu komisiju za dodjelu stipendija za izuzetno nadarene učenike/studente"- ne otvarati!

NEPOTPUNE I NEBLAGOVREMENE PRIJAVE NEĆE SE UZETI U RAZMATRANJE.

Za sve dodatne informacije, kandidati se mogu obratiti općinskoj Službi za društvene djelatnosti i poslove mjesnih zajednica Općine Ilijaš, (II sprat, soba 31) ili na broj telefon 033/580-690.

Broj: 07-38- *2532* /18
Ilijaš:12.11.2018.godine



Ul. 126. ilijaške brigade br. 6, 71380 Ilijaš
Tel. ++387 33 580-620, 580-690, fax. 400-505,
Transakcijski račun kod VAKUFSKE BANKE,d.d. Sarajevo:160200000710645
e-mail : drustvenedjelatnost@ilijas.ba

Broj certifikata: CRO20063Q